

आकाशवाणी

खबरां

- प्रधानमंत्री नरेंद्र मोदी 5 मुलखें दी जात्तरा पर रवाना, किश चिर मगरा ओहू अपने पैहले पडाऽ घाना पुज्जने आहले ना। दौरे दौरान ओहू 6 ते 7 तरीक गी ब्राजील च ब्रिक्स शिखर सम्मेलन च बी शामिल होडन।
- क्वाड दे मिम्बर मुलखें पहलगाम आतंकी हमले दी निंदा करदे होई एहदे साजशकर्ताएं गी तौले सजा दोआए जाने दा समर्थन कीता ऐ।
- केंद्री श्रम ते रोजगार मंत्री मनसुख मांडविया होरें आखेआ ऐ जे ई.एल.आई सकीम मलाजमें दे हितै च सरकार दिएं नीतिएं दा नतीजा ऐ।
- अमरनाथें दी सलाना जात्तरा कल्लै थमां शुरू होग, अज्ज बड्डलै जम्मू थमां पैहला जत्था बालटाल ते पहलगाम आहले आधार शिविर लेई रवाना होआ।
- भारत ते इंग्लैंड बश्कार मजूदा टैस्ट श्रृंखला दा दूआ मैच अज्ज शुरू होआ। इंग्लैंड नै टॉस जित्तियै भारत गी पैहले बल्लेबाजी करने लेई आखेआ।
- ते कनाडा ओपन बैडमिंटन दे इक क्वालीफायर मकाबले च भारत दी ईरा शर्मा नै जर्मनी दी बिल्सन गी हराया।



PM-Ghana

प्रधानमंत्री नरेंद्र मोदी होर अज्जै थमां 5 मुलखें घाना, त्रिनिदाद-टोबैगो, अर्जेटीना, ब्राजील ते नामीबिया दे दौरे पर ना। सब्बने शा पैहले मोदी घाना पुज्जा करदे ना। पिछले 3 दाहकें च कुसै भारती प्रधानमंत्री दा इस पच्छमी अफ्रीकी मुलखै दा एहू पैहला दौरा ऐ। इस दौरे दौरान 6 ते 7 जुलाई गी मोदी होर ब्राजील च 17में ब्रिक्स शिखर सम्मेलन च बी हिस्सा लैगन। तोआई अर्जेटीना दा दौरा कुसै भारती प्रधानमंत्री आसेआ 57एं बरें परैत कीता जा'रदा ऐ।

हासिल करने दे लगातार जतनें दी बी निंदेआ कीती गई। सदस्य देशें कोरियाई प्रायद्वीप दे पूरी चाल्ली परमाणु निरस्त्रीकरण लेई अपनी प्रतिबद्धता दी तसदीक कीती। बयान च उत्तर कोरिया दी मंदे भागें आहली साइबर गतिविधि पर गंभीर चैंता व्यक्त कीती गई, जेह्दे च क्रिप्टोकॉरेंसी दी चोरी ते उत्तर कोरिया दे गैर-कनूनी परमाणु हथियारें ते बैलिस्टिक मिसाइल कार्यक्रमें लेई बदेश च श्रमिकें दा इस्तेमाल शामिल ऐ। एह्दे च संयुक्त राष्ट्र दे सब्भनें सदस्य देशें गी गुजारिश कीती गई जे ओहू उत्तर कोरिया गी हथियारें ते सरबंधत समेयानें दे हस्तांतरण यां उत्तर कोरिया थमां इ'नेंगी हासल करने गी रोकन ते सुरक्षा परिषद दे प्रस्ताएं तैहत अपनी अंतरराश्ट्री जिम्मेदारिएं दी पालमा करना।

<><><><><><>

Om Birla Conference

लोकसभा अध्यक्ष ओम बिरला कल हरियाणा दे मानेसर स्थित इंटरनेशनल सेंटर फॉर ऑटोमोटिव टेक्नोलॉजी च राज्यें ते केंद्र शासित प्रदेशें दे शैही मुकामी निकायें दे अध्यक्षें दे राश्ट्री स्तर दे सम्मेलन दा उद्घाटन करडन। द'उं ध्याडें दे इस सम्मेलन दा विशे-सार ऐ - 'संवैधानिक लोकतंत्र गी मजबूत बनाने ते राष्ट्र निर्माण च शहरी मुकामी निकायें दी भूमिका'। सम्मेलन दा मकसद तेजिआ कन्नै शैहीकरण करै करदे देशै च शहरी मुकामी निकायें दी महत्वपूर्ण भूमिका पर लोऽ पाने लेई इक्क महत्वपूर्ण मंच दे रूप च कम्म करना ऐ। एह्दा मकसद लोकतांत्रिक संस्थाएं गी मजबूत करना, सब्भनें शा उत्तम प्रथाएं गी सांझा करना ते समकालीन जुगै च शहरी शासन लेई नमें नजरियें दी खोज करना ते उ'नेंगी उजागर करना बी ऐ। इस कार्यक्रम च हिस्सा लैने आहले प्रतिनिधि संवैधानिक जनादेश गी पूरा करने ते सार्वजनिक बंडु ते नागरिकें दे जीवन दी गुणवत्ता च सुधार करने च नगरपालिका शासन गी होर मता प्रभावी बनाने सने महत्वपूर्ण मुद्दें पर विचार बटांदरा करडन।

<><><><><><>

Mandvia- ELI

केंद्री श्रम ते रोजगार मंत्री मनसुख मांडविया होरें आखेआ ऐ जे रोजगार कन्नै जुडी दी प्रोत्साहन योजना दे तैहत अगले 4 बरें च कर्मचारिएं ते मालकें गी 1 लक्ख रपे दित्ते जांगन। अज्ज नमीं दिल्ली

च मीडिया कन्नै गल्लबात दौरान उनें आखेआ जे इस योजना दे तैहत जिस बी नौजवान गी नौकरी थ्होई ऐ, उसी इक बरे च 2 बारी 7 ज्हार 500 रुपे दित्ते जांगन। उनें आखेआ जे प्रधानमंत्री मोदी होरें देश दे नौजवानें लेई रोजगार यकीनी बनाने लेई इक विशेष 5 साला प्रोग्राम तैयार कीता ऐ।

<><><><><><>

Telangana-Ex Gratia

सिगाची इन्डस्ट्रीज लिमिटेड नै अतरूं सोमवारें, संगारेड्डी जिले च ओहदी इक इकाई दी धमाके दे बाद अगग लग्गने दी घटना च मारे गेदे लोकें दे परिवारें लेई 1 करोड़ रुपे दी सिंधी सहायता दी घोषणा कीती ऐ। इस हादसे च कंपनी दे 40 मलाजमें दी जान चली गई ही ते 23 घायल होई गे हे।

<><><><><><>

Amarnath-Yatra

श्री अमरनाथ जात्तरा कल आधिकारिक तौरा पर बालटाल ते पहलगाम आहले रस्तेआं शुरू होग। उपराज्यपाल मनोज सिन्हा होरें अज्ज बडुलै जम्मू दे भगवती नगर बेस कैंप थमां भक्तें दे पैहले जत्थे गी झंडी दस्सियै रवाना कीता। कुल 5 ज्हार 892 श्रद्धालु घाटी आस्तै रवाना होई गे जिंदे चा 2 ज्हार 489 जात्तरी बालटाल आहले रस्ते ते 3 ज्हार 403 जात्तरी पहलगाम आहले रस्ते पवित्र गुफा बक्खी जात्तरा करडन। इंदे च 4 ज्हार 395 मर्द, 1 ज्हार 43 महिलाएं, 31 बच्चे, 335 साधु, 72 साध्यिवयां ते 16 ट्रांसजेंडर शामिल ना। जम्मू थमां रवाना होने दे बाद श्री अमरनाथ जात्रुएं दा उधमपुर ते रामबन जिलें च बड़ी गर्मजोशी कन्नै सुआगत कीता गेआ। बनिहाल दे लैम्बर लैंगर थाहर पर उपमुख्यमंत्री होरें तीर्थ जात्रियें दा सुआगत कीता। कश्मीर पुज्जने पर दक्खन कश्मीर दे काजीगुंड दे कोल नवयुग टनल च तीर्थ जात्रियें दा बड़ी गर्मजोशी कन्नै सुआगत कीता गेआ। प्रशासन नै मकामी लोकं कन्नै मिलियै तीर्थ जात्रियें गी शुभकामनां दित्तियां।

<><><><><><>

LG-Article

लेफ्टिनेंट गवर्नर मनोज सिन्हा होरें आखेआ ऐ जे इस ब'रे दी श्री अमरनाथ जी दी जात्तरा, आतंकवाद दे खलाफ इक मजबूत बयान ऐ ते एहू विकसित जम्मूकश्मीर ते विकसित भारत दे - निर्माण बक्खी पुट्टी गेदी इक बड्डी ते सकारात्मक गैहू ऐ। एलजी होरें जम्मू थमां श्री अमरनाथ श्रद्धालुएं दे पैहले जत्थे गी घाटी रवाना करोआने दे मौके उप्पर सोशल मीडिया दी इक पोस्ट च लेख सांझा करदे होई एहू गल्ल आखी ऐ। इस लेख च श्री सिन्हा होरें आखेआ ऐ जे पहलगाम आतंकी हमले दे मगरा, जम्मूकश्मीर दे जखमें गी भरने आहले आध्यात्मिक उपचार दी लोड ऐ ते - इयै भूमिका इस ब'रे दी श्री अमरनाथ जी दी जात्तरा निभा करदी ऐ। एलजी होरें इस जात्तरा दे आध्यात्मिक ते राश्ट्री महत्व पर लोऽ पाई ते आखेआ जे श्रद्धालुएं लेई इस जात्तरा गी सुरक्षित ते आरामदायक बनाने लेई बेहतरिन ढांचागत सुविधएं, असरदार निगरानी ते तगडे सुरक्षा हीलें कीते गेदे न।

<><><><><><>

Gadkari-Green Field

सड़क परिवहन ते राजमार्ग मंत्री नितिन गडकरी होरें आखेआ ऐ जे 2 ज्हार करोड़ रपे थमां बढ़ दी लागत कन्नै बने दे 66 किलोमीअर थमां लम्मे फोर लेन आहले ग्रीनफील्ड बांदीकुई सड़क दा निर्माण सफातापूर्वक पूरा होई गेआ ऐ। सोशल मीडिया पोस्ट च गडकरी होरें आखेआ जे एहू परियोजना दिल्ली-बडोदरा एक्सप्रेसवे ते जयपुर बश्कार सिद्दा संपर्क प्रदान करोग। उनें आखेआ जे इस सड़क दे बनने कन्नै दिल्ली ते जयपुर बश्कार जात्तरा दा समें 3 घंटे 45 मिनट घटियै बस 3 घंटे रेई जाग।

<><><><><><>

Ayushman-Cards

जनजातीय समुदायें लेई सेहत सेवाएं दी उपलब्धता होर बधाने लेई इक मते महत्वै आहली गेंऽ दे तौरा पर धरती आवा जन भागीदारी अभियान तैहत 15 थमां 30 जून तगर देसै च 4.9 लक्ख आयुष्मान कार्ड जारी कीते गेन। इस बड्डे पैमाने पर अभियान दा मकसद जनजातीय समुदायें आस्तै

माली सुरक्षा गी बदाना ते चिकित्सा सेवाएं च सुधार करना ऐ जेदे कन्नै एहू सुनिश्चित कीता जा जे उनेंगी बिना कुसै माली बोझ दे गुणवत्ता आहली सेहत दिक्खभाल हासल होऐ। एहू पहलकदमी देसै च समावेशी सेहत कवरेज ते सामाजिक कल्याण कार्जक्रमें राएं जनजातीय समुदायें गी सशक्त बनाने उप्पर केंद्रित ऐ।

<><><><><><>

Cricket

भारत ते इंग्लैंड बश्कार जारी 5 टैस्ट मैचें दी श्रृंखला दा दुआ मकाबला एल्लै एजबेस्टन च जारी ऐ। मेजबान टीम नै टॉस जित्तियै पैहले भारत गी बल्लेबाजी करने लेई आखेआ। हुनै कोला किश चिर पैहले भारत नै 38 ओवर खेडियै 2 विकेटें दे नुकसान पर 138 रन्ज बनाई लैते दे हे। अज्ज लंच ब्रेक तगर पुज्जने कोला पैहले गै भारत दे 98 रन्ज पर 2 खडारी आउट होई चुके देन। एल्लै शुभमन गिल ते यशस्वी जैसवाल क्रीज पर न।

<><><><><><>

Badminton

कनाडा ओपन बैडमिंटन च भारत दी ईरा शर्मा नै जर्मनी दी मिरांडा विलसन गी महिलाएं दे इक्कले-इक्कले मकाबले दे क्वालीफायर राउंड च 2-0 कन्नै हराई दित्ता ऐ। ईरा शर्मा दा अगला मुकाबला हून 32एं दे राउंड च बलगारिया दी क्लोयाना नलबनतोवा कन्नै होग। तोआई, मर्दे दे इक्कले-इक्कले मकाबले च भारत दे चिराग सेन गी मलेशिया दे इयोगेन ईव कोला क्वालीफायर मकाबले च हार दा सामना करना पेआ।

<><><><><><>

Health Minister Covid

भारती मेडिकल रिसर्च काउंसल ते राश्ट्री रोग नियंत्रण केंद्र दे व्यापक अध्ययन थमां पता लगा ऐ जे कोविड-19 दे टीमें ते चानचक्क होने आहली मौतें बश्कार कोई सरबंधत नेई ऐ। देश दे दौनें प्रमुख

चिकित्सा अनुसंधान संस्थानें दे अनुसंधानें इस गल्लै दी तस्दीक कीती ऐ जे भारत च इस्तेमाल होए दे कोविड-19 दे टीके पूरी चाल्ली सुरक्षित ते असरदार रेह न ते इन्दे नै कोई गंभीर साइड इफेक्ट नेई पाए गेन।

<><><><><><>

Iran-Prez.

ईरान दे राष्ट्रपति मसूद पेजेशकियान होरें इक्क विधेयक पर हस्ताक्षर कीते न जेडा संयुक्त राष्ट्र दी परमाणु निगरानी संस्था, अंतरराष्ट्री परमाणु उर्जा एजेंसी कन्नै सहयोग गी निलंबित करने कन्नै सरबंधत ऐ। एहू ईरान आसेआ अपनी परमाणु गतिविधियें पर अंतरराष्ट्री शक्तियें कन्नै गतिरोध च चुक्के गेदे सब्बनें थमां सख्त कदमें चा इक्क ऐ। एहू निलंबन ईरान दी संसद आसेआ विधेयक गी भारी बहुमत कन्नै मंजूरी दित्ते जाने दे तुरत बाद होआ ऐ। ईरान दे अधिकारियें परमाणु उर्जा एजेंसी पर ईरान दे खलाफ सैन्य अभियान दरान चुप्पी साधे रखने दा आरोप लाया जेदे नै परमाणु पुजज ते पारदर्शिता गी लेइयै ईरान ते परमाणु एजेंसी बश्कार तनाऽ होर बदी गेआ ऐ।

<><><><><><>

Weather

मौसम विभाग नै अगले 5एं दिनें च मध्य प्रदेश, विदर्भ, छत्तीसगढ़ च ते शनिवार तगर बिहार, पश्चिम बंगाल, सिक्किम, झारखंड, ओडिशा च भारी बरखा होने दी पेशनगोई कीती ऐ। विभाग मूजबअज्ज हिमाचल प्रदेश, उत्तराखंड ते उत्तर प्रदेश च ते कल तगर पूर्वी राजस्थान च मौलेधार बरखा होने दी बी मेद ऐ। विभाग नै आखेआ ऐ जे अगले 7 दिनें दरान कोंकण ते गोवा, मध्य महाराष्ट्र दे घाट आहले क्षेत्रें, गुजरात क्षेत्र च बी मौलेधार बरखा होने ते सौराष्ट्र ते कच्छ च भारी बरखा होने दा अनुमान लाया ऐ। तोआई, मुंबई ते पालघर जिलें आस्तै अज्ज ते कल आस्तै येलो अलर्ट जारी कीता गेआ ऐ।

विभाग नै ठाणे, रायगढ ते रत्नागिरी जिलें आस्तै अज्ज ते कल लेई अरिंज अलर्ट जारी कीता गेआ ऐ। मुंबई, ठाणे, रायगढ ते रत्नागिरी च बक्ख-बक्ख थाहरें पर बडी मती तेज बरखा दी संभावना ऐ। पालघर जिले च बी भारी बरखा दी शंका ऐ। तोआई, हिमाचल प्रदेश च बरसांत करी अमा जनजीवन बुरी चाल्ली प्रभावित होए दा ऐ। अज्ज बी पूरे राज्य च जबरदस्त झडी लग्गी दी ऐ।

<><><><><><>